

中，悲田勝也。以上解經
開段略

西明道世法師法苑珠林

忠孝篇述意部

竊聞孝誠忠敬，高柴董黜之賢；反慢尊親，罪過王寄之逆，

是以木非親母，供則響溢千齡。凡非聖僧，敬則光逾萬代。理應傾心頂戴，獲福無邊，何得起慢高心，反生輕侮也。所以立身行道，揚名於後代。終身盡者，實建國之前美。故念子路見於孔丘曰：由事二親之時，常食藜藿之食，爲親負米百里之外。親歿之後，南遊於楚，從車百乘，積粟萬鍾，累茵而坐，列鼎而食，猶願食藜藿之食，爲親負米，不可復得。每感斯言，雖存若亡。父母之恩，云何可報。慈深河海，孝若涓塵，永慕長號，痛貫心首。